

## A Mesa do Parlamento

O **Grupo Parlamentario Popular de Galicia** a través do seu **Portavoz** e por iniciativa do deputado Gonzalo Trenor López, ao abeiro do disposto no artigo 161.2 e concordantes do Regulamento da Cámara, presenta ante esa Mesa a seguinte **emenda á proposición non de lei en Comisión** do Grupo Parlamentario Socialistas de Galicia (**10/PNC-003914**) (**48355**) sobre a implantación polo Goberno galego dun modelo de xestión de residuos que aplique o principio de proximidade no territorio, poñendo en funcionamento antes do remate da X Lexislatura as plantas de xestión de lixo orgánico previstas no Plan de xestión de residuos urbanos de Galicia

## Emenda de modificación

Débese substituír o texto da parte resolutiva, polo que segue a continuación:

"O Parlamento galego insta á Xunta de Galicia a que siga apoiando ás entidades locais galegas no exercizo da exclusiva competencia local en materia de recollida selectiva e xestión de residuos domésticos ou urbanos -en especial da fracción orgánica- orientada ao logro dos obxectivos de tratamento establecidos polo vixente Plan de xestión de residuos urbanos de Galicia, actualizado en decembro do 2016 de conformidade co Plan Estatal Marco de Residuos (PEMAR)".

Santiago de Compostela, 19 de xuño de 2019



**Asinado dixitalmente por:**

**Pedro Puy Fraga na data 19/06/2019 17:52:05**

**Gonzalo Trenor López na data 19/06/2019 17:52:48**



## Á Mesa da Comisión 2.<sup>a</sup>, Ordenación Territorial, Obras Públicas, Medio Ambiente e Servizos

O Grupo Parlamentario dos Socialistas de Galicia, por iniciativa da súa deputada **Patricia Vilán Lorenzo**, a través do seu portavoz e ao abeiro do disposto no artigo 161.2 do Regulamento da Cámara, presenta ante esa Mesa a seguinte **emenda** á Proposición non de lei en Comisión do Grupo Parlamentario do Bloque Nacionalista Galego, sobre as actuacións que debe levar a cabo o Goberno galego en relación coas peles de raposo interceptadas nun control da Garda Civil o 19 de febreiro en Ferrol e cos raposos abatidos nos campionatos de caza levados a cabo en Galicia nos meses de xaneiro e febreiro (10/PNC-003749, documento número 46641).

### Emenda de adición

Débase engadir un novo parágrafo na parte resolutiva da proposición non de lei que quedará redactado co seguinte contido:

“Elaborar un informe científico de avaliación das densidades e da tendencia das poboacións do raposo en Galicia e dos supostos prexuízos derivados da súa presenza que avalen un control das súas poboacións, dando traslado inmediato dese informe aos grupos parlamentarios. En tanto non se dispoña de datos oficiais, non subvencionar ningún novo campionato de caza do raposo, non apoiálo nin participar na súa promoción e/ou desenvolvemento.”

Pazo do Parlamento, 19 de xuño de 2019

Asdo.: Patricia Vilán Lorenzo  
Deputada do G.P. dos Socialistas de Galicia

Asdo.: Xoaquín Fernández Leiceaga  
Portavoz do G.P. dos Socialistas de Galicia

**Asinado dixitalmente por:**

**Patricia Vilán Lorenzo na data 19/06/2019 15:51:49**





PARLAMENTO DE GALICIA  
REXISTRO XERAL ENTRADA  
Data asento: 19/06/2019 16:30:00  
Nº Rexistro: 51717  
Data envío: 19/06/2019 15:53:17.917

**Xoaquín María Fernández Leiceaga na data 19/06/2019 15:51:58**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

CSV: REXISTROZE.xjvm2q0  
Verificación:  
<https://sede.parlamentodegalicia.gal/tramites/csv/>



## Á Mesa da Comisión 2ª

O Grupo Parlamentario dos Socialistas de Galicia, por iniciativa do seu deputado, Luís Manuel Álvarez Martínez, a través do portavoz e ao abeiro do disposto no artigo 161.2 do Regulamento da Cámara, presenta ante esa mesa a seguinte emenda á Proposición non de lei do Grupo Parlamentario de En Marea, sobre a actuación que debe levar a cabo o Goberno galego para evitar a incidencia que está a ter para as persoas usuarias da estrada OU-636, entre A Pobra de Trives e Freixido, a desaparición, co novo pintado, das zonas de adiantamento que había nas rectas (doc. núm. 48153).

### Emenda de adición

Na parte resolutiva da iniciativa débese engadir *in fine* o seguinte texto:

“..., sempre e cando se garanta o cumprimento das normas que regulan a distancia de visibilidade mínima necesaria en función da velocidade máxima permitida, co fin de priorizar, en todo caso, a seguridade viaria.”

Pazo do Parlamento, 18 de xuño de 2019

### Asinado dixitalmente por:

**Luis Manuel Álvarez Martínez na data 19/06/2019 16:21:46**

**Xoaquín María Fernández Leiceaga na data 19/06/2019 16:22:02**

